

ル 7
3334
1



凡 7
3334
1

渤海邵星巖著

渤海番域錄



京都書業堂藏板

昭和二十一年九月二十八日



四大部洲之說近乎誕已據周禮疏神農以上有大九州竊亦疑之今而知非盡妄也其言黃帝德不及遠惟於神州之內分爲九州騶衍所謂赤縣神州者是堯仍之舜分十二禹復爲九而其時川滇猶未闢也秦蜀通五尺道漢武始開西南巨置益州部我

朝德威遠播平定伊犁回部大小金川拓西北二萬餘里而額爾呼納河與俄羅斯打定邊界東北數千里從未入中國之地咸歸版圖惟地缺東南所限者汪洋一海耳然而東南南洋西南洋大西洋小西洋凡番舶衣冠詭譎形

又

狀怪異之人奇珍異寶之物莫不揚帆濠鏡負易香山豈非九州之外又有九州乎夫天地之大寧有窮極異域之與中國山川猶是也人物猶是也各君其國各子其民亦猶是也乃或有其地而不能守或徵其朝而終不至至聽其自為聲教以玉斧畫圖曰外此吾不有也豈統一中外之規與今

聖天子富有四海命式九圍凡雲貴粵西土官土司屬在內地者既已改土歸流而蒙古四十九旗之屏藩喀爾喀西套西海西藏紅苗八排打箭鑪之開闢以及漢西域三十六

國及唐回紇之地前代祇通貢使今亦設官授職至於鞞譯之使糜至外廷海陸之琛輻輳內府以視夫選驃騎以驅沙磧駕樓船以涉波濤者固不侔矣而舞兩階而有苗格坐明堂而越裳至亦第綏之來之而未嘗統有其地也盛哉乎斯世

德化之遠及何如耶詩曰普天之下莫非王土率土之濱莫非王臣今重臣之駐守非等於都護之府也廳縣之分建不同於羈縻之州也載輿地於職方按圖經於王會亦知自古幅幘之廣誠未有過於我

朝者也故即薄海內外而分紀之以誌大一統之盛云

渤海首邑星巖氏自識於沱江官署



例言

一是書專誌名番地輿辨其方域詳其道路今昔較然
至於事蹟不能悉錄或畧述其山川風土人情以備
考

一是書採自史記

大清一統志太平寰宇記西域記明統志地理今釋異域
瑣談滇南新語以及外國傳輿地圖諸書凡十餘種
不著書目者原參互而成間或附以已見較之原書
多不符合故不注系出某書

一 是書州縣郡名古今不同謹遵

大清一統志疏明

一 是書古蕃蠻部新疆今內地也邊徼亦內屬絕域又因邊徼以見焉至重譯雖會同四譯館不能悉載其名以地理考之或名號改易或大小并吞除海國難稽外西藏以東北凡陸路可通者大半皆屬今之內地故補遺備載古國以備叅攷

一 是書重譯本尤西堂先生外國傳亦或叅以他書新疆邊徼則本七椿園先生新疆紀實徵信錄特爲詳

其驛路之遠近至絕域道里未詳不敢妄臆故直錄瑣談全文補遺亦多仍寰宇之舊

一 是書原名名勝紀里予嘗輯古今氏族紀里古今名勝紀里二書氏族自帝系聖門經史子集藝林名臣將畧忠節孝義諸凡權奸僭竊羣醜阿酋而綴以雜錄凡五十四卷名勝則山水州郡國都城垣地邑原野宅里宮室樓臺亭坊園橋關鎮古蕃蠻部新疆邊徼重譯絕域以及陵墓廟祠而綴以雜記凡五十六卷茲特摘錄數卷俾覽者識我

朝幅幘之廣

德化之隆故不繫名勝而易以今名

一是書自辛巳採辦例木在朗江署中有見輒錄及乘
筏北上無從問字魯魚固多闕漏亦所不免苟博覽
君子據所見以正其訛補其闕有厚望焉

薄海番域錄總目

卷一 古蕃一

- | | |
|----|----|
| 九夷 | 九蠻 |
| 六戎 | 五狄 |
| 析支 | 渠搜 |
| 獯鬻 | 西戎 |
| 山戎 | 驪戎 |
| 北戎 | 廬戎 |
| 冀戎 | 邾戎 |



昆戎

義渠戎

臯落戎

千畝戎

鮮虞

赤狄甲氏

白翟

交趾

北單于

羗戎

陸渾戎

胸衍戎

獫狁

赤狄

姜狄

越裳氏

南粵

南單于



烏桓

托跋

小月氏

冉駝

挹婁

高句驪

三韓

邛都

車師

鮮卑

大月氏

白馬

烏孫

夫餘

沃沮

林胡

夜郎

柳陳

高昌

大宛

樓蘭

西甌

卷二 古蕃二

百濟

蠕蠕

西突厥

吐谷渾

黑婁

康居

東甌

新羅

突厥

契丹

勿吉

回紇

龜茲

于闐

南詔

西蕃

蒙古

罕東

曲先

兀良哈

鐵勒

焉耆

疎勒

吐蕃

女直

瓦剌

安定

赤斤

卷三 古蕃三

河套

輝發

葉赫

金川

打箭鑪

陸疆

昆邪王

休屠王

哈達

烏喇

西藏

臺灣

香山舉

盧它父

渾邪王

卷四 蠻部一

渤海大氏

延陀部落

鳳州氏

月氏

五部羌

宕昌羌

爰劍羌

疊州羌

室韋靺鞨

畧陽氏

文州氏

西羌

河曲羌

廓州羌

隴西羌

慈姑羌

黨項羌

湟中羌

臨塗羌

白狗羌

五溪蠻

板楯蠻

西陽蠻

泔柯蠻

濮落蠻

鄧至羌

白水羌

霸州羌

栗亭羌

沔中蠻

黔州蠻

西溪蠻

夷州蠻

烏度蠻

烏白蠻

羅落蠻

牛睽蠻

東謝蠻

梅山蠻

松外諸蠻

和夷

文夷

滯夷

樊刺蠻

麼些蠻

南平蠻

西趙蠻

環州蠻

巫蠻

濮夷

閩夷

孤夷

化州夷

蕪那夷

西屠夷

昆明夷

木耳夷

越色夷

容州夷

藤州夷

烏濬夷

鬱林夷

黨峒夷

雲南夷

貴州夷

維西夷

卷五 蠻部二

疆宗部

烏蒙部

謀統部

落蘭部

嵩明部

河納部

落溫部

普麼部

普里部

磨彌部

師宗部

彌勒部

烏撒部

烏蠻羅部

盧鹿蠻部

蕃部

狸獠

越鴛獠

綏山獠

邛州獠

普州獠

瀘州獠

鄰山獠

思州獠

戎州獠

彭昏獠

忠州獠

欽州獠

羅婺酋

費州獠

巴州獠

昌州獠

賓化獠

榮州獠

渝州獠

雅州獠

斐莫酋

無陽烏濬

三梁烏濬

龐山洞

六里苗

盤瓠

古賓

西蠻

依都

文狼

儋耳

黑焚濮

五谿聚

三驍

廩君

哀牢

尾濮

功荼

泉郎

生黎

麼斐

古宗

那馬

巴苴

栗粟

怒子

秤豨

獠子

狸人

獯人

猺人

賓人

族人

臺人

狎人

狩人

高粱人

开種人

贛巨人

囉哩戶

蕃戶

蜚戶

盧戶

大頭裸羅

都老

木客

山都

赤蝦子

庚定子

猪狝狝不狼聚

黃教喇嘛

紅教喇嘛

堪布喇嘛

卷六 新疆一

哈密

闐展

吐魯番

喀喇沙爾

庫爾勒

布古爾

庫車

沙雅爾

賽哩木

拜城

阿克蘇

烏什

葉爾羌

和闐

英吉沙爾

喀什噶爾

巴里坤

古城

烏魯木齊

庫爾喀拉烏蘇

伊犁

塔爾巴哈台

歸化城

卷七 邊徼

俄羅斯

控噶爾

喀爾喀

布魯特

安集延

轄里薩普斯

博羅爾

布哈拉

援達克

郭酣

退擺特

音底

克食米爾

痕都斯坦

哈拉替良

迟木沙爾

敖罕

塞克

哈薩克

羅布淖爾

訶諦國

沙關記

卷八 重譯一

朝鮮

日本

琉球

呂宋

蕪祿

婆羅

猫里務

古麻刺

吉里地閣

蕪吉丹

荷蘭

瓜哇

重迦羅

丁機宜

蕪門答刺

那孤兒

黎伐

三佛齊

百花

滿刺加

龍牙門

龍牙菩提

龍涎嶼

東西竺

阿魯

柔佛

彭亨

柯枝

小葛蘭

木骨都末

古里

祖法兒

竹步

忽魯謨斯

天方

錫蘭

覽邦

溜山

巴喇西

卷九 重譯二

安南

廣南

扶南

狼臚

緬甸

占城

賓童龍

崑崙

直臘

佛郎機

美洛居

丹丹

赤土

暹羅

淳泥

南巫里

亦思把罕

淡巴

天竺

榜葛刺

金剛座

師子國

東女國

焦饒

古刺

默得那

歐邏巴

判汗

罽賓

撒馬兒罕

沙鹿海牙

卜花兒

哈烈

賽蘭

渴石

一條支

女國

亦力把力

拂菻

米蘭皮

瑣里

阿述

沙哈魯

麻逸凍

白葛達

咭吟

答兒密

麻林

卷十 絕域一

提

薩穆

阿拉克

哈塔木

巴喇哈

科罕

噶爾洗

安他哈爾城

查爾卓衣城

噶拉特城

烏爾古特城

住堪特城

阿薩爾城

札納巴特城

雪山

沙磧

伯克

方言

卷十一 補遺一

滅貊

蝦夷

扶桑

文身

大漢上東徼

狼牙修

黃支

盤盤

哥羅

婆利

殊奈

婆登

羅刹

頓遜

毗騫

干陀利

社薄

無論

邊斗

敦樊洲

火山

訶陵

投和

烏篤

禡陀洹

多蔑

多摩長

哥羅舍分

甘棠

金利毘逝

驃國

禪國

昆彌

附國上南徼

且末

扞彌

迷密

姑墨

溫宿

烏秬

難兜

莎車

曹國

米國

何國

婁國

奄蔡

滑國

嚙噠

車離

高附

小人國

烏弋山離

安息

大夏

大羊同

章求拔

軒渠

卷十二 補遺二

波斯

驢分

呼得

短人國

白蘭

悉立

泥婆羅

三童

澤散

堅昆

丁令

悅盤

伏盧尼

渴槃陁

阿鈎羌

疊伏羅

石國

俱蘭

陶羅伊羅

大食

軻比能

朱俱波

粟弋

副貨

賒彌

吐火羅

劫國

越底延

乙弗敵上西微

宇文莫槐

徒河段

高車

薛延陀

僕骨

都波

多濫葛

阿跌

鞠國

大漠

慕容氏

稽胡

歌邏祿

同羅

拔野古

斛薛

契苾羽

榆柁

白霫

庫莫奚

烏落侯

霫

流鬼

骨利幹

鬼國上北徼

地豆子

驅度寐

拔悉彌

黠戛斯

駃騠

薄海番域錄

古蕃一

山左武定邵大緯星巖氏述

九夷

東方曰夷夷者觚也東方人好生萬物觚觸地

而出以其居東故曰東夷種有九一元菀二樂浪三

高麗四蒲飭五島夷六索家七東屠八倭人九天鄙

八蠻

南方曰蠻蠻者慢也君臣同川而浴極為簡慢

故曰蠻類有八一天竺二咳首三焦僥四破鐘五穿

胸六儋耳七狗軼八旁春爾雅言六蠻

六戎

西方曰戎戎者凶也斬伐殺生故曰戎類有六

古蕃

卷一

一

一僥倖二戎央三老白四耆羌五鼻息六天剛爾雅
言七戎七山崙

五狄 北方曰狄狄者辟也父子同穴無別其行邪辟
故曰狄類有五一月支二濊陌三匈奴四單于五白
屋爾雅言八狄六宣威七宣韎鞞八達怛禮只云五
狄也

析支 在西蕃境今甘肅蘭州府河州西應劭云禹貢
析支屬雍州在河關之西東去河關千餘里羌人所
居謂之河曲羌東距松州西葉護南春桑述桑等羌

北吐谷渾按河曲羌在今涼州府武威縣即西戎之
地地理謂之賜支即古析支

渠搜 在西域禹貢析支渠搜涼土異物記在大宛北
界西域傳鑠汗國都葱嶺之西四百餘里古渠搜國
東去瓜州五千五百里渠搜當在西域非朔方也陸
氏曰漢志朔方郡有渠搜縣武帝紀北發渠搜是也
然考漢朔方之渠搜非此所謂渠搜此亦當是金城
以西之戎也後世種落遷徙故漢有居朔方者當禹
時渠搜居朔方則不應浮積石陸說非也瓜州今甘

蕭安西州燉煌縣金城今蘭州府

獯鬻

在沙州今甘肅安西州燉煌縣即犬戎一曰犬夷又曰畎夷帝后相征畎夷七年乃服桀之亂犬夷入居邠岐成湯攘夷狄高宗伐鬼方至武乙犬戎寇邊周古公避於岐山乃漸蹂於中國矣蓋自古肅州以南甘涼洮龍鳳茂隆蜀邛雅黎雋等州之西並西戎也沙州即瓜州古流沙之地黑水所經西羌所居春秋傳曰先王居檣杌于四裔故允姓之奸居于瓜州書竄三苗於三危三危既宅並此地其後子孫爲

羌戎代有其地左傳謂允氏之戎是也昔晉范宣子數戎于駒支曰昔秦人迫逐乃祖吾離於瓜州蒙荆棘以來歸我先君惠公有不腆之田與汝剖分而食之即此地按十三州志瓜州戎爲月氏所逐秦并六國築長城西不過臨洮則秦未有此地

西戎

今甘肅秦州周以前爲西戎地至孝王時其地始爲秦邑按周厲王時西戎反王室殺非子之曾孫秦仲其長子莊公伐西戎破之宣王乃復秦仲爲西垂大夫及幽王爲西戎所殺莊公子襄公將兵救周

古蕃

卷一

三

有功平王賜襄公岐豐以西之地故春秋時為秦國
又按西戎自秦州以西之地皆是蓋自殷之衰古公
居豳為犬戎所逼乃遷而踰梁山止岐山之下至犬
戎敗周幽王於驪山自隴山以東及乎伊洛往往有
戎春秋傳曰先王居檇杙于四裔故允姓之奸居于
瓜州今燉煌也晉惠公自秦歸晉遷陸渾之戎于伊
川今洛陽也故係諸狄獠之戎今渭川也邾冀之戎
今秦州也大荔之戎今鄜坊也驪戎今渭南也楊巨
泉阜之戎今伊洛之間也蠻氏之戎今許潁也陰戎

今商州也秦始皇逐西戎出塞故漢初西戎稍遠

山戎 在漁陽郡漁陽縣今順天府薊州後浸大春秋

齊人伐山戎又莊公三十年公及齊侯遇于魯濟謀

山戎以其病燕故也

驪戎 今陝西西安府臨潼縣古驪戎之國也左傳晉

獻公伐驪戎以驪姬歸即此寰宇記雍州昭應縣東

二十四里有驪戎故城

北戎 在檀州今順天府密雲寰宇記春秋戰國並為

燕北戎所居漢書將軍李廣弭節白檀魏書曹公越

北塞歷白檀破烏桓于柳城

廬戎 在襄州中廬縣今湖北襄陽府南漳春秋廬戎

之國也

冀戎 在甘肅秦州禮縣寰宇記大潭縣廢伏羌城本

周冀戎之地秦伐冀戎而置縣焉

邽戎 在甘肅秦州寰宇記廢上邽縣舊十六鄉本邽

戎地秦伐邽而置縣

昆戎 在甘肅涇州漢為安定郡地處山谷之間實昆

戎舊壤迨近夷狄修習武備

羌戎 在四川茂州寰宇記此一州本羌戎之人好弓

馬以勇悍相尚詩禮之訓闕如也貧下者冬則避寒

入蜀傭賃自食故蜀人謂之作氐

義渠戎 在慶州今甘肅慶陽府安化縣古西戎地夏

衰后稷子不窋奔戎翟之間今縣東南三里有不窋

故城春秋及戰國時為義渠戎之土秦滅之按陝西

邠州古義渠戎國

陸渾戎 在河南河南府洛陽縣左傳秦晉遷陸渾之

戎于伊川即此

阜落戎 今山西絳州垣曲縣西北六十里有古阜落

城一名倚毫左傳閔公二年晉侯使太子申生伐東

山阜落氏杜注赤狄別種也

胸衍戎 在鹽州今甘肅寧夏府靈州春秋及戰國時

皆為戎狄所居史記梁山涇漆之北有義渠胸衍之

戎謂此

千畝戎 在成州同谷縣今甘肅階州成縣古西夷地

至戰國千畝戎羌氏居之後為白馬氏國

獫狁 在岐州今陝西鳳翔府詩六月獫狁匪茹整居

焦獲

鮮虞 在直隸正定府正定縣左傳晉荀吳假道于鮮

虞戰國屬趙寰宇記定州古中山鮮虞地史記鮮虞

古狄之種最大國在漢為盧奴縣即定州

赤狄 在洛州今直隸廣平府永年春秋為赤狄國後

屬晉左傳宣公十四年晉荀林父敗赤狄于曲梁

赤狄甲氏 在山西潞安府屯留縣左傳宣公十六年

晉滅赤狄甲氏及留吁一名戎屯與潞子俱附中國

晉遂滅之

姜狄 在蔚州飛狐縣今直隸易州廣昌寰宇記按代地本狄姜姓之國周末漸強七國前稱王今雲中馬邑五原安邊定襄皆為代國之北地焉

白翟 今陝西延安府綏德州及鄜州中部縣春秋時白翟國也漢書朔方為西部都尉休屠為北部都尉渠搜為中部都尉故此為中部郡焉隋圖經雜記俗謂丹州白室胡頭漢舌即言其狀似胡而語習中夏白室即白翟語譌耳近代謂之部落稽胡自言白翟後也丹州今宜川縣

越裳氏 今隸安南即林邑國古越裳氏之國也漢武帝開百越于交趾郡南三千里置日南郡林邑即日南郡之象林縣在郡南界四百里漢末大亂象林人區連殺縣令自稱林邑王子孫相承吳時通使其後王無嗣外孫范雄相傳累世遂為林邑國其地開北戶以向日屢寇交趾交州遂致虛弱

交趾 今安南國古越地禹貢揚州之裔土號為百越周為越裳重譯之地秦屬象郡史記始皇南取百越以為桂林象郡是也按交趾之稱今南方夷人其足

大指開若並足而立其指相交有蠻夷之風漢書民皆服布如單被穿中央為貫頭兵則矛盾刀木弓弩竹矢或骨為鏃自初為郡縣吏卒中國人多侵凌之故率數歲一反元帝時遂罷棄之又中國八郡志土人待婚族好客必先進檳榔若邂逅不設用相嫌恨又交州記南定縣人足骨無節身有毛卧者更扶始得起故曰交趾山海經交脛國人脚脛曲戾相交所以謂之交趾朱鸞俗尚琴瑟古風也索婦之人婚前先送檳榔一盤女食盡則成親南定朱鸞皆縣名

南粵

今廣東廣州府南海縣古南越之分秦以任囂為南海尉病篤召龍川令循州趙佗授其位佗自立為南粵王居其地凡五世九十三年而亡

北單于

在雲州雲中縣今山西大同府大同縣之北春秋時為北狄地今縣西北四百二十里有單于臺漢武帝元封元年遣使告單于曰南越王頭已懸于漢北關矣單于能戰天子自將代邊不能亟來臣服何但亡匿幕北寒苦之地為匈奴讐蓋其處也按匈奴先祖夏后氏之裔曰淳維殷時奔北方至周末七

國時而與燕趙秦三國爲邊鄰趙孝成王時李牧大破之十餘歲不敢近邊秦始皇將數十萬之衆北擊悉逐出塞收河南地匈奴單于曰頭曼不勝秦北徙秦亂戍邊者皆復去於是復稍渡河與中國界于故塞今陝甘安化延安平涼郡地也後爲其太子冒頓以鳴鏑射殺之而自立爲單于是時漢兵與項羽相拒故冒頓得自強控弦之士三十餘萬自淳維以至頭曼千有餘歲時大時小別散分離尙矣世傳不可得而次然至冒頓而匈奴最強大盡服從北夷而南

與諸夏爲敵國其氏姓官號可得而記云單于姓孛鞮氏其國稱之曰撐犁孤塗單于匈奴謂天爲撐犁子爲孤塗單于者廣大之貌言其象天單于然也置左右賢王左右谷蠡左右大將左右大都尉左右大當戶左右骨都侯匈奴謂賢曰屠耆故常以太子爲左屠耆王其大臣皆世官呼衍氏蘭氏其後有須卜氏此三姓其貴種也諸左王將居東方直上谷以東今媯州之東接濊陌朝鮮今直隸宣化府懷來赤城二縣之東也右王將居西方直上郡以西今上郡洛

交延安咸寧郡之西接氏羌今陝西等府之西也而
單于直代雲中各有分地逐水草移徙而左右賢王
左右谷蠡最爲大國

南單于

在石州離石縣今山西汾州府永寧州即左

國城前趙記今離石左國單于所徙庭是也按南匈奴
臨落尸逐鞮單于比烏珠留之子名比也初季父
呼都而尸單于時以爲右薁鞬日逐王部領南邊及
烏桓後漢光武初彭寵反叛于漁陽單于與共連兵
因復權立盧方使入居五原今大同朔平二府境光

武方內平諸夏未遑外事而匈奴數與盧方共侵北
邊九年遣吳漢等擊之經歲無功而匈奴轉盛遂寇
河東匈奴左部轉居塞內入寇尤深北邊無復寧歲
及比從父弟蒲奴立爲單于而其地連年旱蝗漢乘
其弊匈奴懼乃遣使求和親建武二十八年八部大
人共議立比爲呼韓耶單于以其大父常依漢得安
故襲其號於是款五原塞願永爲藩蔽捍禦北虜許
之復聽其入居雲中今大同府後爲北單于所擾復
詔徙河西今汾州府亦列置諸郡按晉史北狄以部

古蕃

卷二

十

落爲類其入居塞者有屠各種鮮支種寇頭種烏譚
種赤勒種捍蛭種黑狼種赤沙種鬱鞞種菱莎種禿
重種勃茂種羌渠種質賴種踵跋種大樓種雍屈種
真樹種力羯種凡十九種皆有部落不相錯雜屠各
最豪故得爲單于統領諸種

烏桓

在媯州以東及安東府境本東夷也按寰宇記
在營州今永平府盧龍殷時爲孤竹國春秋時爲山
戎戰國屬燕地理志遼西郡領且慮臨渝絜等十四
縣後漢書遼西烏桓鮮卑所居漢初匈奴冒頓滅其

國餘類保烏桓山因以爲號其有勇健能理決鬥訟
者推爲大人無世業相繼邑落各有小帥數百千落
自爲一部大人有所呼召則刻木爲信氏姓無常以
大人健者名字爲姓烏桓自爲冒頓所滅衆遂孤弱
常臣服匈奴漢霍去病擊匈奴左地因徙上谷漁陽
右北平遼東遼西五部塞外爲漢偵察匈奴動靜其
大人歲一朝見於是始置烏桓校尉監領之後漸強
盛建武中大人郝且等九百餘人詣關朝貢於是封
其渠帥爲侯王君長者八十一人皆居塞內布於緣

古蕃

卷二

十一

卷一
邊諸郡後置烏桓校尉於上谷寧城今懷戎縣西北俗名西吐蕃城至桓帝末或降或叛靈帝時烏桓有難樓者衆有九千餘落皆自稱王又遼東蕪僕延衆千餘落自稱峭王於右北平烏延衆八百餘落自稱汗魯王並勇健而多計策又邱居力自稱彌天安定王獻帝初平中死從子蹋頓有武畧代立總攝三王部落皆從其號令建安初助袁紹擊破公孫瓚紹矯制賜蹋頓難樓蕪僕延呼延等皆授以單于印綬十二年曹操自征烏桓大破蹋頓於柳城今奉天府寧

遼州斬首虜三十餘萬人其餘衆萬餘落悉徙居中
國爲齊人媯州今宣化府懷來安東今奉天府遼陽
州遼西今撫寧上谷今宣化漁陽今薊州右北平今
豐潤遼東今奉天

鮮卑

在遼東今盛京奉天府亦東夷之支也別依

鮮卑山因號焉漢初亦爲冒頓所滅遠竄遼東塞外
與烏桓相接未嘗通中國建武中鮮卑與匈奴入遼
東太守祭彤擊破之折獲殆盡三十年鮮卑大人於
仇責滿頭等帥種人朝賀帝封於仇責爲王滿頭爲

侯於是鮮卑自燉煌酒泉以東邑落大人皆詣遼東
受賞和帝永元中大將軍竇憲遣耿夔擊破匈奴北
單于遁走留者尙有十餘萬落鮮卑於此徙據其地
而有其人由此漸盛桓帝時有檀石槐者部落推爲
大人乃立庭于彈汗山歆仇水上高柳北三百里今
山西朔平府朔州界也兵馬甚盛東西部大人皆歸
焉因南抄緣邊北掠丁零東却扶餘西擊烏孫盡據
匈奴故地東西萬四千餘里南北七千餘里綱羅山
川水澤塩池分其地爲三部從右北平以至遼東東

接扶餘濊貊二十餘邑爲東部從右北平以西至上
谷十餘邑爲中部今直隸宣化從上谷以西至燉煌
接烏孫二十餘邑爲西部今甘肅安西州各置大人
主領之光和中檀石槐之孫魁頭與從父弟騫曼爭
國衆離散魁頭死步度根代立中兄扶羅韓亦別擁
衆數萬人魏文帝初步度根遣使獻馬帝拜爲王後
數與軻比能更相攻擊步度根部衆稍弱竟爲比能
所殺

北跋

在上谷郡濡源西今直隸宣化府之北按拓跋

古蕃

錄官分爲三部一居上谷北濡源西東接宇文部自
統之一居代郡之參合陂北今山西朔平府朔州境
使兄猗也弟猗盧居之晉懷帝時琨表以鮮卑猗盧
爲大單于封代公徙馬邑縣即其地也亦東夷之後
別部鮮卑也後魏史云出自黃帝子昌意之少子受
封此土國中有大鮮卑山因以爲號宋齊二史又云
漢降將李陵之後或云黃帝之苗裔以黃帝爲土德
謂土爲托後爲跋故以爲氏其裔始均仕堯時逐女
魃于弱水北人賴其勲舜時有田祖歷三代至秦漢

不交南夏是以載籍無聞積六十七代裔孫屯統國
三十六大姓九十九其後至詰汾嘗田于山澤歛見
輜駟自天而降旣至見美婦人自稱天女曰天命相
偶旦日請還期明年復會於此及期至先田處果見
天女以所生男授詰汾曰此是君之子即力微也力
微立諸部大人悉服控弦之士二十餘萬定都於定
襄之盛樂今山西忻州其後晉封爲代王置官屬始
出并州遷雜胡北徙雲中五原朔方又西渡河擊匈
奴烏桓諸部自杏城以北八十里今中部郡之西迄

長原夾道立碣與魯分界姪孫什翼犍始建年號分置百官至其孫涉珪即後魏道武皇帝也

大月氏

在甘肅安西州西北十八里玉門關外大宛國西可二千里理藍州城一名薄羅城本居燉煌張掖間至冑頡單于攻破月氏而老上單于殺月氏王以其頭爲飲器乃遠去過大宛西擊大夏而臣之都媯水北爲王庭其餘小衆不能去者保南山羌號小月氏於大夏分其國爲五部翎侯後百餘歲貴霜翎侯攻滅四翎侯自立爲王因號貴霜王最爲富盛

至後魏代北與蠕蠕接數爲所侵遂西徙都薄羅城去弗敵沙二千一百里後其王寄多羅武勇遂興師越大山南侵北天竺自乾陁羅以北五國盡役屬之其南則大夏西接安息四十九日行北則康居去長安一萬一千六百里

小月氏

在甘肅甘州府張掖縣六國至秦爲月底居焉漢初爲匈奴右地西域傳月氏本居祁連燉煌間理富樓沙城其王本大月氏王寄多羅子也寄多羅爲蠕蠕所逐西徙後令其子守此城故曰小月氏在

婆羅西南後魏書云去漢一萬六千六百里其先或居西平張掖之間按霍去病至祁連捕首虜甚多上曰驃騎將軍涉鈞者濟居延遂臻小月氏攻祁連山即從此也

白馬

在成州同谷縣今甘肅階州成縣戰國時千畝戎羌氏居之後為白馬氏國寰宇記在冉駝東北廣漢之西君長數十白馬最大漢武帝開廣漢郡合為武都督排其種人分竄山谷或在上祿或在汧隴左右其種非一或名青氏或號白氏或稱蚡氏此蓋中

國人即其服色而名之其後或叛或附固無常居按史記西南夷傳自笮以東北戎長以什數冉駝最大在蜀之西自冉駝皆氏類今縣南八十里有山曰仇池甚險固左右悉白馬氏秦逐西戎遂統有其地晉武帝時氏豪楊定擁眾仇池稱藩于晉其地遂為楊氏所據

冉駝

今四川茂州本冉駝國史記南越破後冉駝等皆震恐請臣漢武帝元鼎六年以冉駝為汶山郡後漢書冉駝其山有六夷七羌九氏各有部落其王侯

頗知書而法制嚴重

烏孫

在瓜州今甘肅安西州燉煌縣古西戎地戰國時爲烏孫月氏居焉其國諸王曰昆彌亦曰昆莫大昆彌理赤谷城按西域記烏孫于西域諸戎最強今之赤鬚青眼狀類獼猴者卽其種也有戶二十萬本塞地大月氏西破楚塞王塞王南越懸度大月氏因居其地後烏孫昆莫擊破大月氏大月氏徙西臣大夏而昆彌昆莫居之故烏孫有塞種有大月氏種焉漢以公主妻烏孫王以分匈奴西方之擾至後魏時

其國數爲蠕蠕所侵西徙葱嶺中矣去長安八千九百里

挹婁

盛京奉天府承德縣東北皆挹婁國之地卽古肅慎氏之國也周武及成王時皆貢楛矢石砮爾後千餘年雖秦漢之勝莫能致也

夫餘

盛京奉天府開原縣境一作扶餘南鄰高句驪東與挹婁西與鮮卑接初北夷橐離國一作橐王有子曰東明長而善射王忌其猛欲殺之東明奔走東渡掩虎水因至夫餘而王之漢順帝初來朝帝作黃

古蕃

卷二

十七

門鼓角抵戲以遣之晉武帝太康元年爲慕容廆所襲其王依慮自殺子弟五保沃沮明年後王依邏求還國帝遣人送之爾後每爲虜掠種人賣於中國帝又以官物贖還禁矢夫餘之口自後無聞

高句驪

盛京奉天府北五百六十里鴨綠江東有平

壤城卽箕子所封之地漢屬樂浪郡後漢朝貢云本出于夫餘東至海南至漢西北踰遼河先祖朱蒙母河伯女閉于室內爲日所照引身避之日影尤逐因有孕生卵大如五升夫餘棄之與犬犬不食與豕豕

不食棄於路牛馬避之棄於野衆鳥以毛茹之王剖之不破以還其母母以物裹置煖處有一男破殼而凡及長名曰朱蒙其俗言朱蒙者善射也國人以非人所生欲殺之朱蒙東走渡普述至統升骨城遂居之號曰高句驪國因以高爲氏子孫相繼漢武滅朝鮮置元菟郡以高句驪爲縣使屬之其後高麗晉安帝義熙中獻赭白馬受封爵始徙居平壤城後號西京其地後漢時南北二千里至後魏南漸狹方千餘里至隋漸大東西六千里按今奉天府之遼陽海城

復州蓋平寧海皆高句驪之地也

沃沮

盛京奉天府海城縣初衛滿王朝鮮時沃沮屬

焉漢武帝平朝鮮分其地為四郡以沃沮城為元菟郡後為夷貊所侵徙都于高句驪西北乃以國小迫于大國之間遂臣屬句驪魏齊王正始五年毋邱儉討句驪王後宮奔沃沮遂進師擊沃沮邑落皆破之其地東西狹南北長可折方千里

三韓

盛京錦州府境後漢時通焉有三種一曰馬韓

二曰辰韓三曰弁韓三韓之地大小共七十八國或

云百濟是一國大者萬餘戶小者數千家各在山海間地各方四千餘里東西以海為界皆古之辰國也馬韓最大共立其種為王辰韓耆老自言秦之亡人避苦役適韓國馬韓割其東界地與之有城柵其言語有類秦人由是或謂之秦韓其王常用馬韓人作之代相係襲辰韓不得自立為王明其流移之人故也其俗名國為邦兒生便以石壓其頭欲令其扁故辰韓人皆扁頭男女近倭人皆文身便步戰兵仗與馬韓同弁韓與辰韓雜居城郭衣服皆同言語風俗

古蕃

卷一

亦相似惟祠祭鬼神有異施灶皆在户西晉武帝咸寧中馬韓王來朝自後無聞按三韓尋為百濟新羅所併

林胡 在雲中郡今山西大同府即古雲中林胡之地

趙武靈王北破林胡樓煩置此郡

邛都 在四川寧遠府西昌縣東南古西夷邛都國也

史記西南夷傳自滇以北君長以什數邛都最大漢書司馬相如傳唐蒙已畧通夜郎時邛笮之君長請吏比南夷帝以問相如對曰邛笮冉駹者近蜀道易

通秦時嘗為郡縣至漢興而罷今誠復通為置縣愈於南夷帝乃拜相如為中郎將使畧定西南夷邛笮冉駹斯掄之皆請為臣妾除邊關益斥西至沫若水南至牂柯為徼通靈關道橋孫水以通邛笮

夜郎 今四川嘉定府雲南曲靖府南寧縣境貴州石

旰黎平遵義三府梓潼普安二縣皆同夷古山獠夜郎國之地漢時南夷君長以十數夜郎最大按九州志夜郎自古非臣服之國昔漢武帝開拓南邊始置夜郎縣屬牂柯郡八郡志夜郎之西岳去郡四百里

司馬相如所開之處其俗多襍生獠言語或通

車師

在甘肅肅州西六十里嘉峪關外西北行歷安西州哈密關展凡一月程有城曰柳陳城西百里曰土魯番即唐之交河縣為車師前王庭之地又自安西州西北十八里玉門關外西北一千三百里有高昌壁漢班超定西域之後領兵五百人駐之置戊己校尉即徐普欲開之道為車師後王國按後魏孝武時有闕爽者自為高昌太守至真君中為沮渠無諱所襲因據之至和平元年為蠕蠕所併蠕蠕以闕伯

周為高昌王自此以後每有立者輒為人所殺其後立麴嘉為王傳國九代至智盛不循職貢唐討平之以其地置西州東去長安一千八百至焉耆八百里去燉煌十三日行其地東西三百里南北五百里四面多大山後王國理務塗谷即蒲城去長安八千九百里

柳陳

在甘肅肅州西嘉峪關外雪山之南二千二百八十里闡展之西有地曰柳陳即魯陳漢名柳中班勇西屯之所為車師前王庭之地唐屬交河城西百

里曰吐魯番即唐之交河縣也自安西州西行中經
 大川沙磧無水草大風倏起人馬相失道旁堆骸骨
 白日鬼魅迷人土人謂之旱海出川西行至流沙河
 上有小岡風捲浮沙所積道北火燄山色如火城方
 二三里四面多田園流水環繞灌木芴鬱候暖宜稼
 麻麥豆有小葡萄名瓊子人二種回回男子削髮戴
 小罩刺婦女白衣裹頭畏兀兒男子椎髮婦人蒙皂
 布垂髻于額明宣德中酋長哈失哈力遣十四人入
 貢

高昌

在甘肅安西州西北十八里玉門關外西北一

千三百里有高昌壁漢班超定西域之後領兵五百
 人駐之置戍已校尉以其地高敞人庶昌盛立名或
 云武帝遣兵西討師旅頓敝者因任焉故又名高昌
 壘即徐普欲開之道也為車師後王國唐置西州後
 入回鶻宋時通貢元號畏兀兒明稱火州相傳其國
 師子王避暑北廷山中出礪砂嘗有烟氣涌起至夕
 光燿如炬照見鳥鼠皆赤火州所由名也明永樂七
 年朝貢十二年陳誠至其國言城方十餘里風土蕭

條民居僧房參半皆零落東有荒城即高昌國故址
宣德中王及吐魯番柳陳城並貢馬及玉璞爾後朝
貢止稱吐魯番云俗類匈奴烏孫事天神信佛法春
月出游持弓矢射諸物以禳災婦人戴油帽名蘓幕
遮用開元歷以三月九日爲寒食激水交潑爲戲謂
之壓陽氣氣候極熱產五穀惟無麥出貂皮等物

黑婁

在甘肅肅州西嘉峪關外雪山之南二千四百
九十里吐魯番之西近吐魯番世締好貢道亦由吐
魯番入其地山水草木禽獸皆黑男女亦然明宣德

中遣使朝貢

大宛

在甘肅安西州西北十八里玉門關外王理貴
山城戶六萬其王姓蘓色匿字底失槃隋積代承襲
不絕始漢張騫爲武帝言之帝遣使持千金及金馬
以請宛善馬宛主殺漢使於是拜李廣利爲貳師將
軍期至貳師城取善馬不下至燉煌即安西州士卒
存者十不過一二帝怒其不尅使遮至玉門關不許
入貳師因屯燉煌發戍甲卒十八萬置居延休屠今
武威張掖也以衛酒泉貳師至宛宛王新寡首獻馬

古蕃

卷一

遂採葡萄苜蓿種而還國王隋時燕對沙那國即漢大宛之異名也去長安萬二千五百五十里

康居

在甘肅安西州西北十八里玉門關外大宛之西北可二千里去長安一萬一千三百里與粟弋伊剌隣接漢時通焉王理樂越匿地居卑闐城亦居菴薤城與大月氏同俗地和暖出好馬東羈事匈奴宣帝時郅支單于殺漢使西阻康居其後甘延壽陳湯誅滅郅支單于至成帝時康居遣子侍漢貢獻自後無聞或名號變易遷徙吞併非所詳也至晉其那鼻

獻善馬後魏復朝貢其王姓溫月氏人也舊居祁連山北昭武城自被匈奴所破西喻葱嶺遂有此國支庶各分王故康國左右諸國有米國曹國史國安國小安國那色波國烏那曷國穆國凡九國皆其種類並以昭武爲姓云不忘其本也王字代夫畢爲人寬厚甚得衆心其妻突厥達度可汗女都於薩寶水上阿祿廸城名爲強國西域諸國多歸附之其人好音聲善商賈以六月一日爲歲首唐武德十年其王屈木支獻名馬貞觀九年獻獅子太宗嘉其遠至命秘

古蕃

卷二

二十四

書少監虞世南爲之賦

樓蘭

在甘肅安西州燉煌縣西婁羌之西北王理汗泥城戶一千五百七十東至長安六千一百西北至車師一千九百里初漢武因張騫言欲通大宛諸使者一歲中多至十餘輩樓蘭姑師當道苦之攻劫漢使王恢等漢將趙破奴等率屬國騎及郡兵數萬擊之虜樓蘭王遂破姑師於是列亭幟至玉門矣後復爲匈奴反間數遮殺漢使昭帝使傅介子往刺其王懸首北闕乃立其弟尉屠耆爲王更名其國爲鄯

自後無聞至後魏太武時其國爲沮渠安周所攻其

王奔且末且末役屬之西魏時其王兄鄯米內附

東甌

在浙江處州府統志春秋戰國時屬楚漢初爲

東甌國

西甌

在廣西潯州府貴縣及廣東高州府茂名皆古

西甌駱越之地按西甌所居在廢黨州今廣西鬱林州也

溥海番域錄

古蕃二

山左武定邵大緯星巖氏述

百濟

盛京奉天府開原縣境即漢末夫餘王尉仇台

之後後魏時百濟王上表云臣與高麗源出夫餘也

初以百家濟海因名百濟西南至海東至智異山北

至漢水時高句驪既據有遼東而百濟亦據遼西晉

平二郡地自晉以後併諸據有馬韓地其人土著地


多下濕率皆山居其王都東西二城號俱尸拔城王

號於羅瑕百姓呼為韃吉支夏言並王也王妻號於

古蕃

卷之二

一



陸夏言妃也後魏孝文征破之後其王牟大爲高句
驪所破衰弱遷居南韓舊地唐太宗親征高麗百濟
懷貳蕪定方討平之虜其王義慈以歸

新羅

盛京奉天府東南漢樂浪郡地在百濟東南五
百餘里當高麗東南魏爲新盧國東南至海西至智
異山北至漢水其先本辰韓種也辰韓始有六國稍
分爲十二新羅則其一也或曰斯羅魏將母邱儉討
高麗破之奔沃沮其後復歸故國留者遂爲新羅焉
故其人襍有華夏高麗百濟之屬並兼有沃沮不耐

韓滅之地其王本百濟人自海逃入新羅遂王其國
國小不能自通梁武帝時王姓慕名秦遣人隨百濟
獻方物其俗呼城曰健牟羅其邑在內曰喙評在外
曰邑勒亦猶中國之言郡縣也國有六喙評五十二
邑勒至隋文帝時來貢其王姓金名真平按風俗記
金姓相承三十餘葉文帝拜爲樂浪郡新羅王又按
其先附庸於百濟後因百濟征高麗人不堪戎役相
率歸之遂致強盛因襲加羅任那諸國滅之並三韓
之故地也其西北界大牙山出高麗百濟之間後盡

古蕃

卷三

二

有百濟之地及高麗南境東西約九百里南北約一千八百里

蠕蠕

在甘肅燉煌張掖之北姓郁久閭氏始拓跋力微末掠騎有得一奴髮始齊眉忘本姓名其主字之曰木骨閭木骨閭者首禿也木骨閭與郁久閭聲相近故其後子孫因以爲氏焉木骨閭既壯免奴爲騎卒代王猗盧氏坐後期當斬亡匿廣漠溪谷之間收合逋逃得百餘人依純突鄰部至其子車鹿會雄健始有部衆自號柔然魏太武以其無知狀類於虫故

改其號曰蠕蠕宋齊謂之芮芮隋史亦曰芮芮及六代孫杜崙兇狡甚有權變自廣漠北侵高車深入其地遂併諸部凶勢益振北徙弱落水始立軍法其西北有匈奴餘種國尤富強盡爲杜崙所併號爲強盛其西則焉耆之地東則朝鮮之地北則渡沙漠窮瀚海南則臨大磧其常所會處則燉煌張掖之北小國皆苦其寇掠羈縻附之於是自號邱豆伐可汗可汗之號始於此邱豆伐猶言駕馭開張也可汗猶言皇帝也其俗君及大臣因其行能卽爲稱號若中國立

謚既死之後不復追稱後又頻擾北邊後魏大武襲之其王大檀震怖將其族黨焚燒廬舍絕迹西走於是國落四散至孫吐賀真太武又破之自是邊疆息警矣

突厥

其先平涼襍胡也在今甘肅涼州府蓋匈奴別種姓阿史那氏後魏太武滅沮渠氏於涼州阿史那以五百家奔蠕蠕代居金山工於鉄作金山狀如堯黎俗呼堯黎爲突厥因以爲號或云其先國於西海之上爲鄰國所滅男女無少長盡殺之有一兒年且

十歲以其小不忍殺之乃刖足斷臂棄於大澤中有牝狼每啣肉至其所此兒因食之得以不死其後遂與狼交因有孕焉因負置西海之東止於山上其山在高昌西北今西河郡下有洞穴狼入其中遇得平壤芳草地方二百餘里後狼生十男長大外託妻孕其後各爲一姓阿史那其一也子孫繁育漸至數百經數世相與出穴臣于蠕蠕一云先出于索國在匈奴之北其部落大人曰阿謗步兄弟十七人其一曰伊質尼師都狼所生也謗步等性並愚痴國遂破滅

尼師都既別感異氣能徵召風雨娶二妻云是夏神
冬神之女一孕而生四男其大兒名訥都陸設衆奉
爲王號爲突厥訥都陸所生子皆以母族爲姓阿史
那是其一也號阿賢設此說雖殊然俱狼種也後魏
末其酋帥土門部落稍盛始至塞上通中國至西魏
大破蠕蠕於懷荒北遂自號伊利可汗猶古之單于
也號其妻爲可賀敦亦猶古之闕氏也其子弟謂之
特勒別部領兵者謂之設其後或入蔚州或居朔州
或居定襄皆今山西地屢爲邊患按突厥本西方賤

種居金山之陽爲柔然鉄工至其酋長土門始強大
頗侵魏西邊魏丞相泰始遣祭酒胡安諧槃化使其
國國人喜曰大國使至吾國興矣其後憑陵中國唐
高祖至以臣事之卒爲太宗所滅又按今之土伯特
即唐之突厥唐太宗時以公主下降公主供佛像于
廟今番人名招招者譯言如來也其地猶有唐時中
國載去佛像

西突厥 在甘肅肅州西嘉峪關外其國居烏孫之故
地東至突厥西至雷菴海南至疏勒北至瀚海在長

安北七千里自焉耆西北七日行至其國按烏孫在瓜州今安西州燉煌縣大邏便阿波可汗木杆可汗之子也初木杆與沙鉢略可汗有隙因分爲二鉢勒龜茲及西域諸國皆歸附之其人襍有都陸及弩矢畢葛邏祿處月處密伊吾等諸種風俗大抵與突厥同惟言語微異大邏便後爲北突厥所擒其國立鞅素之子爲泥利可汗至其子達漫號處邏可汗其母向氏本中國人生達漫而泥利卒又嫁其弟婆實隋初詣長安處邏可汗居無常處然多在烏孫故地立

小可汗分統所部一在石國北以制諸胡一在龜茲北其地名應婆每五月八日相聚祭神歲遣重臣向其先代所居之窟致祭焉後爲其酋長所襲遁于高昌其弟統葉護代立勇而有謀善攻戰遂北并鉄勒西距波斯南接罽賓悉歸之控弦數十萬霸有西域據烏孫之地西戎之盛未之有也唐高祖厚結之并力以圖北蕃然自負強盛無恩於國部落咸怨頽利可汗又頻歲入寇其伯父莫賀咄殺之而自立國人

不附迎統葉護之子啞力立之性猜狠信讒無統制

之畧尋卒國人立泥孰是爲咄祿可汗其父莫設武
德中常至京師太宗居藩與之結盟爲兄弟至是詣
闕請降賜以名號及鼓纛卒弟同娥設立俄而其國
分爲十姓部落同娥旣不爲衆所歸西端竟立欲谷
設爲可汗與同娥中分相與作難同娥窮蹙奔于鏐
汗而死立其弟伽那之子泊布尋爲欲谷可汗咄陸
所殺咄陸不爲衆所附其國大亂垂拱後十姓部落
頻被突厥默啜侵掠死散殆盡及隨斛瑟羅逸六七
萬人徙居內地西突厥阿史那於是遂絕

契丹

在直隸永平府山海關外今奉錦二府故鮮卑
之地東抵高麗西接奚國南至營州北至室韋方二
千里其先與庫莫奚異種而同類並爲慕容氏所破
俱竄于松漠之間後魏初大破之遂逃並與庫莫奚
分皆經數十年稍滋蔓於和龍之北數百里多爲寇
盜魏太武乙未歲貢名馬於是東北羣狄悉萬丹部
阿大河部伏弗郁部羽陵部日連部亡潔部匹黎部
吐六於部各以其名馬文皮獻得交互於和龍密雲
之間和龍即柳城今撫寧密雲隸今順天府其後爲

古蕃

卷三

七

奚厥所逼又以萬家寄于高麗隋開皇末有別部四十餘家背奚厥來降文帝方與奚厥和好重失信于遠人勅奚厥撫納之固辭不去部落漸衆遂北逐水草當遼西正北二百里今錦州府依托回紇臨水而居東西五百里南北三百里亦鮮卑故地分爲十部多者三千少者千餘唐貞觀二十二年契丹師寯哥率其部內屬以契丹部爲松漠都督府于營州兼置東夷都護以統之亦在錦州府按契丹即遼也本鮮卑遺種姓耶律氏居潢水之南黃龍之北元魏時始

號契丹石晉時太宗改國號遼宋時聖宗仍稱契丹道宗復改遼始祖曰奇首子分八部唐貞觀時摩會來降其長寯哥舉部內屬太宗即其地置十州俾爲松漠都督厥後叛服靡定八部大人以次代爲王有雅里者世掌國政譯其始興之地世里爲耶律而姓之八世孫阿保機當昭宗時諸部多微阿保機爲王不受代兼併諸部侵室韋女真寇陷河東州郡盡取奚霫奚厥及代北之地隣國降附稱帝改元國人謂之天皇是爲太祖更名億太祖慕漢高祖命耶律兼

稱劉氏北府宰相必后族比蕭相國故后皆爲蕭氏
太祖后述律氏亦稱蕭氏

吐谷渾

在甘肅蘭州府河州其先本遼東鮮卑也西
晉時酋帥徒河涉歸有二子長曰吐谷渾少曰若洛
鬼涉歸死鬼代統部落別爲慕容氏渾庶長鬼正嫡
父在時分之百戶與渾渾與鬼二部俱牧馬馬鬥相
傷鬼怒遣使謂渾曰先公處分與兄弟異部牧馬何
不相遠而令馬鬥渾曰馬是畜生食草飲水春氣發
動所以致鬥鬥起于馬而怒及人耶乖別甚易今當

去汝于萬里之外矣于是擁馬西行乃附陰山今山
西朔平府之北永嘉之亂始度隴西止于枹罕即今
河州其後子孫據有甘松之南洮水之西南極於白
蘭在益州西北今鞏昌府洮州廳西南二百五十里
即西蕃吐谷渾界也至其孫葉延以禮云公孫之子
得以王父字爲氏吾祖始自昌黎先宅于此今以吐
谷渾爲氏尊祖之義至阿豺兼併羌氏號爲強國遣
使詣宋朝貢唐龍朔三年爲吐蕃所滅凡三百五十
年其部衆又東徙散在朔方河東之境今俗多謂之

古蕃

卷三

九

退渾蓋語急而然

勿吉

盛京奉天府開原縣古肅慎氏地亦謂之靺鞨
邑落各自有長不相總一凡七種一粟末部與高麗
相接二洎咄部在粟末北三安車骨部在洎咄東北
四拂涅部在洎咄東五號室部在拂涅東六黑水部
在安車骨西北七白山部在粟末東南勝兵各數千
而黑水部尤爲勁健在今開原西北與契丹接每相
劫掠與中國懸隔惟粟末白山爲近隋煬帝初其渠
帥度地稽率其部來降居之于柳城今錦州府寧遠

州唐武德三年劉黑闥叛以戰功封國公徙其部落
於幽州之昌平城其白山部素附高麗因收平壤後
部衆入於中國洎咄安車骨與號室等部亦因高麗
破後奔散微弱今無聞焉縱有遺人並于渤海大氏
編戶惟黑水部盛分爲十六部落以南北爲桐地自
此朝貢不絕其拂涅鐵利等部落亦嘗朝貢或隨渤
海大氏而來及渤海強盛黑水亦爲其役焉舊說黑
水西北有思慕靺鞨正北微東十日程有郡利靺鞨
東北十日程有窟說靺鞨亦謂之屈設東南十日程

古蕃

卷二

十

有莫曳皆鞞鞞今黑水鞞鞞界至渤海德府北至小
海東至大海西至室韋南北約二千里東西約一千
里也

回紇

在山西大同府西北以磧爲界磧北諸番州悉
屬瀚海磧南並隸雲中即大同勝兵五萬人先屬突
厥初有健俟斤死其子菩薩立唐貞觀初與薛延陀
俱叛突厥頡利可汗侵其邊地頡利遣騎討之戰於
天山大破之俘其部衆回紇由是大振因率其衆附
於薛延陀號爲活頭利發及薛延陀之敗其酋胡祿

侯利發吐迷度率其部詣闕請同編戶率衆內附其
後部落戰征有功並自磧北移居甘州界故天寶末
取驍壯以爲赤水軍騎士自天寶初回紇葉護逸標
苾襲滅突厥小殺之孫烏菴米施可汗未幾自立爲
九姓可汗由是兼九姓之號因而南徙居突厥舊地
依烏德健山盟河雖逐水草大抵以此山比中國之
長安城直西去直西城千七百里西城即漢之高闕
塞也今山西朔平府境內去噴口三百里九姓者一
回紇二僕固三渾四拔曳固即拔固也五同羅六思

古蕃

卷三

十一

結七契苾羽八阿結思九骨崙屋骨思唐貞觀元年以咸安公主降請改紇字爲鶻蓋欲誘國俗俊健如鶻毛德宗從之按初回紇風俗樸厚君臣之等甚不異故衆志專一勁健無敵自有功于唐賜遺豐腴登用可汗始自尊大築宮室以居婦人有粉黛文繡之飾中國爲之虛耗而虜俗亦壞如耶律德光踐汗中土而有之且死其母猶不哭撫其尸曰待我國中人畜如故然後葬汝蓋謂之華夷者天也有或反此非其福也

鐵勒

在伊州伊吾縣今甘肅安西州本漢伊吾盧地

漢書謂鐵勒國在燉煌之北大磧之外非九州之域傳曰伊吾盧者蓋夷狄舊號秦亦未有其地至漢宣帝時鄭吉爲南北道都護居烏壘城即此地至九年置戊己校尉雖不立州郡其地蓋屬焉按太平寰宇記鐵勒之先匈奴之苗裔也種類最多自西河之東依據山谷往往不絕獨洛河北有僕骨同羅韋紇拔也古覆羅並號俛斤蒙陳吐如紇期結渾斛薛等諸姓勝兵可二萬伊吾以西焉者之北傍白山則有薛

獒薄落職乙啞蕪婆郡烏護骨紇也啞於泥護等
勝兵可二萬金山西南有薛延陀啞勒兒十盤達契
等萬餘兵康國北傍阿得水則有訶啞曷嶽撥忽屯
千貝海曷北悉阿嗟蕪拔也末渴達等三萬餘兵旁
嶷海東西有蕪路羯三索咽蔑促薛忽等諸姓八千
餘兵拂菻東則有恩屈阿蘭北振九離伏嗚昏等僅
二萬人北海南則有都波等雖姓氏各別總謂爲鐵
勒並有君長分屬東西兩突厥隨水草流移人性兇
惡善于騎射貪婪尤甚以寇掠爲生近西者頗爲藝

植多牛羊而少馬自突厥國有東西征討皆資其用
以制北荒當十六國慕容垂時塞北後魏末河西並
云有敕勒部鐵勒蓋言訛也唐貞觀中太宗幸靈州
鐵勒等十一姓遣使朝貢請列其地爲州縣北荒悉
平太宗爲五言詩以敘其事麟德初餘黨復叛乾封
元年薛仁貴等破鐵勒之衆于天山時九姓有衆十
餘萬令驍健數十人逆來挑戰仁貴發三矢射殺三
人自餘一時下馬請降仁貴恐其爲後患並坑殺之
更就磧北討餘衆擒其葉護兄弟三人而還軍中歌

日將軍三箭定天山戰士長歌入漢關其後遂絕矣
龜茲 在甘肅肅州西嘉峪關外雪山之南三千三百
一十里布古爾之西三百里今庫車爲龜茲國故地
一名邱茲又曰屈茲其王姓曰國人總姓曰國王及
大首領相承不絕他姓不得居之王理伊邏盧城都
白山之南二百里去瓜州三千里即今安西州燉煌
縣勝兵數千漢宣帝時烏孫公主遣女來至京師學
鼓琴龜茲王絳賓請娶爲妻言得尙漢外孫爲昆弟
願與公主女俱入朝元康初遂來朝賀王及夫人皆

賜印綬夫人號稱公主樂漢衣服制度歸其國治宮
室作微道出入傳呼撞鐘鼓如漢家儀外國人皆曰
驢非驢馬非馬若龜茲王所謂羸也至後漢光武時
其王名宏爲莎車王賢所殺滅其族唐貞觀二十二
年阿史杜忒破之虜龜茲王而還于其地置安西都
護府東去長安七千五百里

焉耆

在甘肅肅州西嘉峪關外布古爾之西三百里
龜茲國之東八百里王理員渠城在白山之南七十
里其王姓龍名突騎支即突厥之後常役于西突厥

焉耆

焉耆

焉耆

俗有魚鹽之利隋時朝貢盡併有漢時犁危須國山
三國之地併鄯善之北界唐貞觀十八年郭孝恪討
平之由是臣屬上元中置都府處之其部落無蕃州
東去長安七千三百里

行園

在甘肅肅州西嘉峪關外安西州燉煌縣西南
葱嶺北二百里東西五千里南北千里後併有漢戎
盧并彌渠勒皮山精絕五國之地勝兵數千俗多機
巧其王伏闐信唐開元間入朝上元三年置毗沙都
督府在安西都護府西南二千里去長安九千七百

里阿耨達山在國南據漢書河源出焉或言即崑崙
山是也

疎勒

在甘肅安西州西四千六百里即疎勒故國今
名蘓勒在白山之南勝兵二千其人手足皆六指產
子非六指則不育唐貞觀九年遣使朝貢其王姓裴
併有漢時莎車捐休循三國之地上元中置疎勒都
督府在安西都護府西南二千里去長安九千三百
里按州西即蘓勒故國蹟雖無可驗呼其水曰蘓勒
河

南詔

今雲南大理府初為滇王國在楚雄府姚州靡莫之屬以十數滇最大漢書楚威王使大將莊蹻沂沅水出苴蘭以伐夜郎屬秦擊奪楚黔中地蹻無路還遂自王之秦蜀通五尺道置吏漢武帝開西南夷置益州郡雲南即屬邑也唐麟德元年移姚州治于栢棟川自是朝貢不絕開元末蒙舍詔皮羅閣並蒙嵩詔越析詔浪穹詔道暎詔浪施詔五詔合為一號南詔治太和城天寶末楊國忠用事蜀帥撫慰不謹蠻王閣羅鳳不恭國忠令鮮于通興師一萬渡瀘討

之大為羅鳳所敗自是臣附吐蕃侵寇四川號大蒙國貞元中韋臯鎮蜀蠻帥異牟尋歸國命使冊拜謂之南詔再徙羊苴咩城即今大理府治太和中杜元穎鎮蜀蠻王嵯顛侵蜀自是或臣或否咸通中結構南蠻深寇蜀郡西南夷之中南詔蠻最大其後鄭買賜趙善政楊千貞互相篡奪至後晉段思平得之號大理國元憲宗時內附按大理漢為益州部唐葉榆縣地李特據蜀置漢州

吐蕃

今甘肅蘭州府西北之地唐神龍三年詔以所

古蕃

養嗣雍王守禮女金城公主出降吐蕃贊普元宗時
公主請樹碑于赤嶺乃約寧夏靈州以賀蘭山平涼
涇州以彈箏峽西日鳳翔隴州以清水爲界按吐蕃
在吐谷渾西南不知有國之所由或云禿髮利鹿孤
子樊尼其主偁檀爲乞伏熾盤所滅樊尼率餘種依
沮渠蒙遜其後子孫西魏時爲臨松郡丞今張掖與
王簿皆得衆心因魏末中華擾亂招撫羣羌日以強
大遂改姓爲宰敦野至今其人號其王曰贊府貴臣
曰王簿又或云始祖贊普自言天神所生號鶻堤悉

補野因以爲姓或云本姓棄菽農其君長或在跋布
川或居邏波川有小城而不居坐大氊帳名拂廬其
下可容數百人兵衛極嚴而衙府甚隘其臣與君自
爲友號曰共命人其數不過五人君死之日共命人
皆日夜縱酒葬日于脚下針血盡乃死便以殉葬又
有親信人用刀當腦縫鋸亦有將四尺木大如指刺
兩肋下死者十有四五亦殉葬焉父死子代絕嗣即
近親襲焉非其種類輒不相代無文字刻木結繩爲
約以麥熟爲歲首其國都爲邏婆城當長安西八千

里去鄯善五百里過烏海入吐谷渾部落彌多彌蕪毗及白蘭等國至吐蕃界西與婆羅門接自大唐初已有勝兵數十萬號爲強國黨項白蘭諸部及吐谷渾西域諸國畏懼之

西蕃

按明統志所載西蕃即吐蕃自南涼樊尼以秃髮爲國號訛曰吐蕃其先本羌屬凡百餘種散處河湟江岷間今甘肅西寧蘭州鞏昌四川寧遠打箭爐等處也其酋發羌唐旄等居析支水西後樊尼西濟河逾積石居跋布川或邏婆川今西寧府隋開皇中

有論贊索者居牂河西唐貞觀中始通中國旣而滅吐谷渾盡有其地幅員萬里至唐末衰弱種類分散入內屬者謂之熟戶餘謂之生戶宋時朝貢不絕其首領唃廝羅始居鄯州後徙青唐亦西寧府地神哲兩朝皆授以官元始郡縣其地以吐蕃僧八思巴爲大寶法王帝師領之嗣世弟子號司空司徒國公佩金玉印明洪武二年番衆寇臨洮韋正禦之河水未合師不得濟正祝天有頃河冰如巨屋自上流下風從之冰合渡河擣擊番衆大驚降服六年詔吐蕃各

古藩

族酋長舉故有官職者至京授職遂置五衙門以元攝帝師喃加巴藏卜爲熾盛佛寶國師七年復封番僧爲闡教王闡化王輔教王贊善王護教王大乘法王大寶法王凡七王給銀印令比歲或間歲朝貢然族類甚繁屢爲邊患多被追逐初設西番都指揮司二曰烏思藏曰孕甘指揮司一曰隴答宜慰司三招討司六萬戶府四千戶所十七並洪武初置其後增設招討司安撫司長官司又有加渴瓦寺金川寺韓何碉怯列寺番僧有封灌頂國師者自洮岷階文西

固南達松茂族種甚繁在階文者名武都羌在洮者吐谷渾羌而松茂間東西沮河列砦四十有八殆不勝紀焉風俗大抵樸魯上下一心好鬥重兵死吏治無文字以麥熟爲歲首階文番據層崖深箐跳躍如獼猴相傳番人無腓易奔以憑險不畜騎洮番甲馬頗整即面中一二鎗並立不撓常發冷箭擣石截軍餉日就關僅索飲見炊烟起即蛾聚攢食曰和番而仰中國茶麪爲命無茶則發腫且死無麪則苦蛇虫殘麥禾故自昔以閉關絕貢可制西番別種在雲南

鐵橋北名古宗號細腰番明太祖既下雲南裂吐番
爲二十三支分屬郡邑轄以土官永寧外有野西番
稍不易制古宗鵠舌瓣髮短裳用犛牛或羊毛撚線
爲之婦女用青白磁珠與禪磔相間懸于頂以松膏
澤成縷下垂大近西番云

女直

盛京奉天府開原縣其初在縣北一千五百里
混同江之東東瀕海西接兀良哈南隣朝鮮北至奴
兒干北海古肅慎地後漢謂之挹婁元魏謂之勿吉
隋唐曰黑水靺鞨唐初渠長阿固郎始來朝後乃臣

服開元中置黑水府其後粟末靺鞨強盛號渤海黑
水皆役屬之又其後渤海寢弱爲契丹所攻黑水復
擅其地即金鼻祖之部落也初號女真避遼與宗諱
改女直臣屬于遼部族散居山谷至阿骨打始大易
部建國曰金滅遼設都于渤海上京至海陵改爲會
寧府即今開原也金亡歸元元亡歸明自開元迤北
因其部族所居給與印信俾仍舊俗以時朝貢

蒙古

盛京奉天府北烏龍江南兀良哈之西本迤北
一小部落也北故種落不一歷代名稱各異夏曰獯

古濬

卷三

二十

鸞股曰鬼方周曰獫狁秦漢皆曰匈奴晉曰鮮卑唐曰突厥宋曰契丹自漢以來匈奴頗盛後稍弱而烏桓與漢末鮮卑滅烏桓盡有其地後魏時蠕蠕獨強與魏為敵蠕蠕滅而突厥起盡有西北地唐貞觀中李靖滅之五代及宋契丹復盛別部小者曰蒙古曰秦赤烏曰塔塔兒曰克列各據分地既而蒙古兼并有之先號韃靼後稱蒙古東抵兀良哈西連脫忽麻及撒爾馬罕北盡沙漠後入中國為元明興克大都元帝走應昌死太子愛猷識理達臘北走稱帝傳脫

早圖

古思帖木兒依也先速迭兒尋為所弑部落潰散洪武二十五年遣周興討也先速迭兒追至徹徹兒山大破之自是不敢近邊者十餘年永樂間有本雅失里者率其下馬哈木阿魯台奉貢惟謹已而叛服不常上屢親征後阿魯台弑其主本雅失里而自立宣德初馬哈木攻殺阿魯台欲領部落人心不服乃求元之後脫脫不花立為王居沙漠之北馬哈木子脫歡脫歡子也先居沙漠之西北瓦剌正統初入掠大同宣府王振挾駕親征致有土木之難後脫脫不花

爲沙不丹所弑也先遂自立爲可汗荒酒色且殘忍部下離心哈刺求爲大師不許率部落二萬直趨也先所其故部曲三人在也先帳中拔劍殺也先有孛來燭王子殺哈刺求脫脫不花子立之爲小王子未幾弑之而大酋阿羅出等殺孛來立脫思爲王遁入套後阿羅出爲其黨吼加思蘭所殺而結元孽滿魯都入套又欲謀殺之代爲可汗滿魯都首殺之并其衆久之滿魯都衰後有小王子稱把秃猛可王死阿反立其弟伯顏猛可有三子長阿爾倫次阿着次滿

官嗔太師亦不剌殺阿爾倫遁入西海西海之有寇自亦不剌始也阿着爲小王子子二長吉囊次俺答阿着死衆立阿爾倫之子卜赤稱亦克汗有衆七萬分五大營阿魯禿斯部營七四屬亦不剌後從吉囊滿官嗔部營八舊屬火篩後從俺答諸部吉囊俺答最強嘉靖十九年俺答入宣府二十年吉囊入大同二十五年入犯延安二十九年寇大同仇鸞重賂乃去遂自古北口入薊州犯都城直抵德勝西直門京師戒嚴仇鸞率勤王兵不敢擊私許通貢市乃大掠

而去隆慶後俺答歸順萬歷九年死其妻三娘子率
子黃台吉表謝三娘子者俺答長女啞不害所生女
也貌甚美麗已受禊兒聘俺答奪取之黃台吉臂偏
短善用兵有精騎萬餘庶弟青台吉年之十一年黃
台吉襲封更名乞慶哈先配五蘭比妓後受西僧給
納婦一百八人以象數珠俺答死黃台吉欲收三娘
子三娘子嫌其老病將別屬總督鄭洛乃令人說曰
汝歸王天朝以夫人封汝不歸一酋婦耳三娘子逼
于利害乃歸之三娘子心慕中華不時款塞黃台吉

死子扯力克嗣以兵收大成台吉那吉婦大成比妓
爲妻三娘子名哈屯別築城居洛復諭扯力克曰娘
子三世歸順汝能與娘子聚則封不然別有屬也扯
力克盡逐諸妾入三娘子帳中合婚扯力克死長孫
卜石兔嗣然遂弱而挿漢虎墩兔獨強挿漢本小王
子裔至是與卜石兔構釁屢寇邊崇禎三年虎墩兔
就款六年其妻囊囊台戶率衆三千人犯張家口其
諸部中銀定反青最桀驁不馴屢犯甘肅寧夏永昌
等堡小反青犯遼陽寧遠猛克什力吉能輩亦時時

卷二
闌入延綏東路終明之世爲勅敵云其俗無城郭宮室隨水草牧放行則車爲舍止則氊爲廬挾其長技上下山谷往來聚散忽如風雨其輕生嗜利喜盜好殺天性然也

瓦剌

在甘肅肅州西嘉峪關外哈密之北數百里元之裔也明藍玉北征至捕魚兒海獲元主子地保奴安置琉球其大臣立坤帖木兒爲可汗而猛哥帖木兒爲瓦剌王建文三年死鬼力赤爲可汗阿魯台佐之鬼力赤非元種臣下不服而阿魯台與瓦剌馬哈

木世相仇殺亡何阿魯台弑鬼力赤立本雅失里爲可汗自爲太師永樂六年馬哈木等來歸遣人往諭本雅失里不報八年駕親征至幹難河本雅失里擁衆來戰上麾擊遁去次飛雲堡阿魯台列陣以待敗之過龍門西山勒銘而還十年馬哈木滅本雅失里阿魯台南竄明年駕北巡遂來降封和寧王馬哈木怨之遂不朝貢明年上親征馬哈木大敗之首號哭遁去次年貢馬謝罪十五年死子脫歡嗣封順寧王自是瓦剌奉貢而阿魯台貳上屢親征宣德六年阿

占藩

卷三

二十四

魯台爲脫歡所敗走入兀良哈遂任牧遼東脫脫不
花襲破之九年脫歡襲殺阿魯台立脫脫不花爲可
汗以阿魯台衆屬之自爲丞相居漠北八年死子也
先立勢益強而脫脫不花弱也先以妹妻之挾入朝
貢也先氣益驕劫通事告以中國虛實也先遂語通
事吾有子請婚南朝公主通事謾曰吾爲奏皇帝已
許矣也先大喜誇諸部曰吾且進聘禮十四年遣使
二千人來貢馬且曰聘禮也朝廷不知答詔不及和
親事又中官王振裁其馬價也先慚怒遂謀大舉入

掠大同宣府諸塞遣將出禦敗績振遂挾駕親征有
土木之難景泰初請和時脫脫不花與也先不相能
治兵相攻敗奔兀良哈依沙不丹尋爲所弑也先遂
自立爲可汗無何爲哈剌所殺後事見蒙古

罕東

在甘肅甘州府西南漢屬燉煌郡唐建歸義軍

迄宋朝貢洪武三十年酋長瓊南吉剌思入貢立罕
東衛成化時困于土魯番而酋奄章遁居沙州今安
西州燉煌縣部落日蕃其孫只克以沙州衛旣廢請
即其地立罕東左衛從之宏治八年土魯番掠沙州

古藩

卷三

二十五

只克請救馬文升以失期不克自是土魯番每入寇
假道罕東會令給食而亦不刺安定數掠其貲罕東
益微

安定

在甘肅安西州燉煌縣南亦月氏地漢燉煌郡
廣袤千里東至罕東北抵沙州無城郭羶帳爲廬明
洪武初安定王卜烟帖木兒遣使來朝分其酋長爲
四部曰阿端阿真苦先帖里各賜印而卜烟帖木兒
賜銀印仍稱安定王明年獻元所授金銀字牌因置
安定阿端二衛分統四部亡何王爲曲先攻殺部落

潰散其孫亦攀丹復故封永樂中中使往西域道死
于賊李英率兵至罕東問故言賊中使者安定曲先
酋也英進擊安定俘斬千餘曲先遁去成化中爲土
魯番殘破正德後迤北亦不刺據西海復破安定種
人汪瀾爾加等寄跡河州安插西寧而安定王苗裔
無傳阿端久沒莫知其處

曲先

在甘肅甘州府西南東抵安定北距肅州亦月
氏地漢張掖郡元置曲先答林元帥府明永樂初設
衛以土人散西思爲指揮同知傾之爲朶兒只巴所

古蕃

攻并入安定居阿真地成化初以土魯番及亦不刺
侵掠部落走匿烏思藏而衛人牙木蘭劫于土魯番
率衆擾哈密其兄脫蹄聚收衛印部衆二百餘依帖
木哥于沙州嘉靖七年牙木蘭來歸帖木哥從之詔
安插江夏遂嚮田宅爲大賈而曲先故地盡失矣其
地尙白喪易以青產珠珊瑚名馬硃砂

赤斤

在甘肅安西州去州一百八十里今燉煌縣亦
月氏地漢燉煌酒泉唐沒吐蕃宋入西夏元爲瓜州
明永樂初故元丞相苦尤于塔力尼率五百人來歸

設赤斤蒙古千戶所以塔力尼爲千戶尋升衛七年
擒叛寇老的罕來獻進指揮使正統間瓦剌強赤斤
與沙州罕東諸衛名內屬陰與市至受平章等秩累
詰不能禁成化後土魯番陷哈密恣掠赤斤其首東
從肅州南山卯來河泉及迤北金塔寺正德十年土
魯番侵甘州掠赤斤人畜千計奪印去而種人散走
塞下衛遂虛其地有白山產金駝馬

兀良哈

在直隸永平府山海關外烏龍江南漁陽塞
北春秋山戎地漢爲烏桓元魏號庫莫奚西奚保媯

活蕃


卷二

二十七

州北山東奚駐琵琶洲元爲大寧路明洪武初割錦
義建利諸州隸遼東今奉天府設都司于惠州領營
與衛二十餘所謂北平行都司也十四年封子權
于大寧爲寧王二十一年故元遼王阿札失里及朶
顏諸酋願內附詔以兀良哈地方三衛居之自錦義
渡遼河至白雲山曰泰寧衛以阿札失里爲指揮使
塔賓爲同知白黃泥窪踰鐵嶺至開原曰福餘衛以
海撒兒答爲指揮同知自廣寧前屯歷喜峯近宣府
曰朶顏衛以脫魯忽察兒爲指揮同知並給印俸鈐

束部落爲東北外藩朶顏最強三衛自遼瀋抵宣府
幾三千里初爲本雅失里所脅寇邊後時附阿魯台
出汲塞下又糾也先入寇爲鄉導終明之世大爲邊
患其俗與蒙古同專逐水草喜剽劫叛服無常

700
K U



三
二

